



Republika e Shqipërisë
Universiteti i Sporteve të Tiranës
Fakulteti i Veprimtarisë Fizike dhe Rekreacionit
Dekanati

459/2
29.03.2017

REKTORI


Prof.Dr. Agron CUKA



RREGULLORE

**PER ZHVILLIMIN E KONKURSIT TE PRANIMIT NE
FAKULTETIN E VEPRIMTARISE FIZIKE DHE REKREACIONIT
PER VITIN 2017-2018**

Prof.Asc.Dr. Ferdinand MARA
DEKAN



RREGULLORE E BRENDSHME MBI PROCEDURËN E ZHVILLIMIT TË KONKURSIT TË PRANIMIT TË STUDENTËVE PËR VITIN AKADEMIK 2017-2018

Për të realizuar në praktikë një zhvillim sa më normal të konkursit praktik në Fakultetin e Veprimtarisë Fizike dhe Rekreacionit, si dhe për të mbështetur dhe lehtësuar mundësinë e vlerësimit sa më objektiv dhe transparent për secilin kandidat, kërkojmë të zbatohen me rigorozitet sa më të madh kërkesat e rregullores së mëposhtme:

1. E drejta per konkurim

Të drejtën për konkurim praktik në UST për vitin akademik 2017-2018 e fitojnë:


- 1.1 Kandidatët e përfshirë në listat e ardhura nga Agjensia Kombëtare e Provimit.
- 1.2 Kandidatët që kanë bërë regjistrimin përfundimtar në Degën e Informacionit Studentor dhe Regjistrimeve të UST.

2. Ngritja e Komisioneve të Konkursit

- 2.1 Komisioni Qëndror i përbërë nga 3 (tre) anëtarë është përgjegjës për të gjithë ecurinë e konkursit.
- 2.2 Rektori i UST merr masa dhe organizon që në strukturat e Fakultetit të Veprimtarisë Fizike dhe Rekreacionit të ngrihet **Komisioni i Vlerësimit** i përbërë nga 4 (katër) anëtarë për organizimin dhe mbarëvajtjen e konkursit.
- 2.3 **Komisioni i Ankimimit** i përbërë nga 3 (tre) anëtarë, nga të cilët kryetari duhet të jetë jurist, shqyrton të gjitha ankimet dhe mosmarrveshjet gjatë zhvillimit të konkursit dhe shprehet me vendimin përkates në përputhje me Rregulloren e Konkursit të pranimit në UST.

3. Procedurat e konkurimit

- 3.1 Fakulteti i Veprimtarisë Fizike dhe Rekreacionit, shpall listën emërore të konkuruesve sipas rendit alfabetik jo më vonë se 24 orë përpara datës së konkurimit për vitin Akademik 2017 – 2018.
- 3.2 Konkurimi praktik fillon në orën 9:00. Paraqitja e konkurentëve bëhet në orën 8:00. Kjo orë sëbashku me datën e konkurimit shpallet jo më vonë se 24 orë përpara ditës së konkurimit në ambjentet e UST si dhe në faqen zyrtare elektronike.
- 3.3 **Lejohet të hyjnë në konkurs vetëm kandidatët e listës së shpallur për konkurim të cilët duhet të jenë të pajisur me dokument identifikimi (kartë identiteti ose pasaportë biometrike). Kandidatët që nuk kanë asnjë nga këto dokumente identifikimi nuk do të lejohen të marrin pjesë në konkurs.**
- 3.4 Përpara konkurimit kandidatëve u komunikohen rregullat e konkursit të pranimit.
- 3.5 Në momentin e regjistrimit, konkuruesit i jepet kartela personale e konkurimit në të cilën konkuruesit i shënohen rezultatet e arritura në 2 testet praktike (koha në sekonda dhe distance e kercimit në metra)



- 3.6** Rradha e disiplinave konkurruese do të jetë:
- A. Testi kërcim së gjati nga vendi 2 prova (shënohet rezultati më i mirë).
 - B. Testi-cirkuit, kryhet vetëm një provë pa të drejtë përsëritje.
- 3.7** Komisioni i Vlerësimit, do të ketë 1 (një) anëtar që komunikon me zë rezultatin dhe 1 (një) që shënon rezultatin e cdo konkuresi në kartelën e tij personale. Shënimi i rezultatit bëhet me stilolaps ngjyrë blu, rezultatin e pastër pa korigjim në fletën zyrtare të konkurimit, pas komunikimit me zë të lartë të këtij rezultati dhe një anëtar tjetër pranë tij hedh këtë rezultat në kartelën personale të konkuresit duke firmosur ai vete dhe konkuresi në këtë kartelë.
- 3.8** Në rast të mospërputhjes së nivelit të rezultatit të shënuar në fletën zyrtare dhe në kartelën personale të konkuresit, personi përgjegjës do të mbajë përgjegjësi të plotë ligjore.
- 3.9** Rezultatet përfundimtare do të shpallen jo më vonë se 24 orë pas përfundimit të plotë të konkurimit. Rezultatet do të shpallen me ID-në e kandidatit për të respektuar përcaktimet e kuadrit ligor për mbrojtjen e të dhënave personale.
- 3.10** Secili konkurent ka të drejtën e ankimit me shkrim të rezultatit pranë komisionit përkatës të ngritur qëllimisht për shqyrtimin e gjithë ankesave duke dorëzuar atë pranë Degës së Informacionit Studentor dhe Regjistrimeve të UST.
- 3.11** E drejta e ankimit ka afat deri në 72 orë nga shpallja e rezultateve përfundimtare, kjo edhe nëse brënda kësaj periudhe 3 ditore qëllon ditë e shtunë ose e dielë.
- 3.12** Pas 72 orëve nga shpallja e rezultatit, brënda ditës komisioni i ankimit i paraqet proces-verbalin përkatës me vendimin e formës së prerë në komisionin e vlerësimeve.
- 3.13** Pas kësaj periudhe, Komisioni Qëndror i konkursit shpall listën përfundimtare të rezultateve të konkursit.
- 3.14** Përveç anëtarëve të komisioneve dhe përfaqësuesve të komisionit qëndror ose personave të autorizuar prej tij, asnjë i huaj për asnjë arsye nuk mund t'i afrohet komisioneve të vlerësimit.
- 3.15** Për zhvillimin normal e të qetë të konkursit lajmërohet Komisariati i Policisë për angazhimin e policisë në të gjitha objektet ku zhvillohet konkurimi praktik.
- 3.16** Komisioni i konkurimit praktik, ka për detyrë që rezultatet përfundimtare të hedhura në fletën zyrtare, t'i memorizojë edhe në formë elektronike. Komisioni, rezultatet përfundimtare me formularët origjinalë dhe në formë elektronike i përcjell pranë Rektoratit .

Prof.Asc.Dr. Ferdinand MARA

DEKAN

